

皇朝詞林典故

卷四
十八

PL
2548
C55
1887
v.26

LIBRARY

M2011

皇朝詞林典故卷四十八

解署

周官經以八灋治官府。注謂百官所
居曰府。庀職蒞事。各有攸居。詞臣職
榮侍從。報重文章。雍容翺翔。昔人擬
之。凌玉清。遡紫霄。東壁西園。尤非他
曹可比。我

朝重熙累洽。籲俊作人。自選庶常。游敷
坊局。內而論思。

禁近。外而趨直朝班。咸設屋廬。俾專官
守。周詳明備。釐然秩然。爰編次翰林
院。詹事府教習館。而以直廬。直園附
之。

翰林院

卷四十八

洪惟我

朝誕膺

景命。創制豐程。

國初設文館。天聰十年。設內三院。崇德

八年。都察院叅政祖可法。張存仁。理

事官雷興等疏言。前設內三院。與臣

等衙門隣近。於制甚合。近聞將內三

院移理藩院外。規度匪宜。請仍改近。
報可。迺改理藩院爲內三院。另建理
藩院近禮部。此億萬年崇儒重道之
權輿也。

顯謨

承烈。定鼎京師。翰林院署沿前明之舊。在長
安左門之東。玉河之西。初嘗併翰林

院於內三院。詞臣皆值宿。

禁城後復專設院署。廳堂門廡。或因或

規。規制視前代有加。自乾隆八年。奉

詔更新。五十五年。重加繕治。嘉慶八年。我

皇上以

幸院大典。

申命修葺。

堯章

舜藻。疊耀重光。玉署鴻樞。於斯大備矣。

院門凡三楹。北向。中縣髹漆。榜署如

其名。前設桎杻木。左右各一。

謹按王士禎居易錄云。署前積沙。號

沙隄。形家言風水所係。近稍去其半。

數月。學士孟亮揆。沈上塘。侍讀王鍾

靈等七人。皆去位。學士朱典贊善趙
執信。祭酒曹禾。亦以他事註誤去其
驗如此。館中相傳。遂爲故實。厥後重
葺時。監修各官。戒勿復去云。

門之內爲儀門。凡三楹。北向。門左右
有掌院學士題名碑。東西兩旁角門
各一。皆向北。

儀門之內有門。櫺曰登瀛門。直甬道中。

大堂五楹。北向。院之正衙也。中縣康熙四十一年

聖祖仁皇帝所

賜

御書道德仁藝額。左右列橫屏各一。左曰整

齊嚴肅。右曰中正和平。無欵識歲月。
堂下墀左。設曰表一。

謹按王士禎池北偶談云。明內閣大
學士。皆於翰林院上任。故院中設閣
老公座於上。而掌院學士居其旁。諸
學士稱閣老。曰中堂。以此。後遂相沿
勿改。

堂之西偏廳事三楹。官讀講者居之。
榜曰讀講廳。東偏三楹。官編檢者居
之。榜曰編檢廳。

謹按陸深儼山集云。第三廳。史官廳
也。又曰槐廳。卽今正廳之西偏。

堂前左右廊屋各十五楹。爲吏舍。入
左廊中圍門內爲狀元廳。中凡三楹。

西房四楹副焉。右廊圍門內南向者。爲昌黎祠。北向者。爲土穀祠。各三楹。謹按嚴繩孫西神脞說云。建置官署。必立土穀祠。翰林院所祀。則昌黎伯韓子也。乾隆九年。重新祠宇。同官集議。以昌黎爲土穀祠。未洽典禮。因別建一祠。

堂之後爲穿堂。凡三楹。北向上。縣乾

隆九年

高宗純皇帝所

賜

御書稽古論思額。及

幸院諭旨。

穿堂之左爲待詔廳。右爲典簿廳。東

西向各三楹。其榜亦如之。

謹按二廳前各有古槐一株。蓋百餘年物也。又陳元龍愛日堂集載大學士張英掌院事時。手植槐數十株。曾有詩云。種槐幸得依劉井。他日清陰滿玉堂。詞林傳誦之。

穿堂之內爲後堂。凡五楹。南向。中設

寶座列

御屏。

臨幸時所御也。上縣嘉慶九年

皇上所

賜

御書天祿儲才額。及

幸院諭旨。左右礮石刻

高宗純皇帝

聖製是日復得詩四首并示諸臣詩其東西
屋二楹別戶扃之爲藏書之庫。

後堂院內東偏有井覆以亭曰劉井。
而柯亭則峙其西望之翼然。

謹按劉井明學士劉定之浚柯亭明
學士柯潛建舊無題額嘉慶九年掌

院學士英和始設榜署其名。

自後堂而南有門直兩亭間榜曰敬

一亭之門門內曰敬一亭凡五楹北

向中貯

聖祖仁皇帝

御書賜陳廷敬龍飛鳳舞四字石刻昇平嘉

宴詩石刻永樂大典一部壁間礮石

刻乾隆九年刑部尙書張照敬書東
壁圖書府四十字分韻詩。戶部侍郎
梁詩正敬書柏梁賡韻詩。續刻嘉慶
九年戶部侍郎英和敬書東壁圖書
府四十字分韻詩。通政使趙秉冲敬
書柏梁賡韻詩。其舊有碑。則前明嘉
靖間所頒敬一亭箴。范浚心箴。程子

三才圖會
卷四
視聽言動四箴。左右碑亭各一。亦前
明臣工奉勅勒石。所以識月日者也。
自劉井而東。有門。門之內爲清祕堂。
凡五楹。南向。中設
寶座。

臨幸時。更衣於此。上縣乾隆九年。

高宗純皇帝所

賜

御書集賢清祕額。嘉慶九年。

皇上所

賜

御書清華勵品額。並礮石刻。

皇上幸院

御製賜宴禮成復得長律二首命諸王及

分字諸臣和韻詩。石後刻候補贊善黃
鉞敬書諸臣恭和詩。其東一楹。上縣
嘉慶十年

皇上特頒

御製勤政殿記墨刻扁額。

謹按清祕堂先名東齋房。自

高宗純皇帝賜額後。

御製集中有清祕堂。偶題一詩。故更今名。

清祕堂之後。有軒一楹。扁以石。名成
樂軒。壁間礮石。刻董其昌書成樂軒
記。記係乾隆二十七年。掌院學士梁
詩正。補摹上石。見後跋。堂之前有亭。
榜曰瀛洲亭。下有方池。曰鳳凰池。
謹按前明池水本通玉河。其後湮塞。

今於劉井設轆轤。穴地灌輸。水漈漈
從亭南螭吻中出。水中荇藻交橫。文
鱗游泳。足嘉賞焉。詞臣初入館。院吏
導之前曰。此登瀛洲也。

亭之南爲寶善亭。榜如之。凡五楹。北
向。中藏書籍。

自柯亭而西。爲

先師祠。凡三楹。南向。室中神龕五。中奉先師。旁列四配及十哲木主。

臨幸時

親詣行禮於此。別遣學士一員祭昌黎祠。

先師神位後有石碑一。摹

先師及十哲像。左方勒中庸仲尼祖述堯舜一節文。右方勒論語德行顏淵

閔子騫冉伯牛仲弓一節文。下方有
款識曰唐吳道子畫。所謂聖於畫者。
故刻之翰林。以廣其傳。無立碑年月。
謹按明學士李東陽詩。有采桑玉堂
陰。陰濃樹娑娑之句。今祠前古桑尙
存。當卽東陽所賦。

先師祠之南。爲西齋房。凡五楹。南向。

又南爲原心亭。凡三楹。北向。亭楣榜曰五雲多處。亭中有榜。如其名。蓋雍正間奉

詔重葺者。

謹按

欽定日下舊聞考云。西齋房。舊爲

皇清文穎館。後又爲功臣館。乾隆三十八

三朝言林典故 卷四
年。於院署置

欽定四庫全書館。原心寶善二亭。及西齋房。
皆爲校讐之所。移功臣館於狀元廳。
自入院門。東西各有夾道。直達柯亭。
劉井爲

臨幸時。諸臣迎

駕後趨進之路。

夾道外。隸舍數十楹。院隸居其七。內閣隸居其三。院署之有閣隸也。自歸併內三院始也。

謹按嘉慶九年二月。

聖駕臨幸翰林院前期。

特命總管內務府大臣工部侍郎蘇楞額會同掌院學士總管內務府大臣戶

部侍郎英和董其事。內府官屬赴署。
審度地勢。院門。儀門。登瀛門。大堂。讀。
講廳。編檢廳。後堂。柯亭。劉井。清祕堂。
瀛洲亭。綵結簷楣。綺繡輝映。先是後。
堂東西二楹。爲書庫。以設宴故。徹其。
板壁。移書籍於敬一亭。敬一亭之門。
前。建綵棚。北向。以陳承應。置膳房於。

原心亭備

御用膳暨各官宴登瀛門左右建黃幄凡

四陳

賚予各官珍物。至其隨處安扉通逕。均酌
一時權宜。或事後復初。或竟亦仍之。
瑣屑不具載。述其梗概。以補

盛典卷中未及詳者。

詹事府

府署在玉河之東。西向。亦明代所建。

我

朝仍其舊制。節經修理。年久漸就傾圯。

嘉慶八年奉

詔飭修。規模輪奐焉。

府門三楹。中有榜。署如其名。門內南

偏爲土神祠第二重爲儀門三楹東
西角門二爲屋各五楹。

自儀門甬道中垂花門入至階大堂

五楹在焉。中縣康熙四十一年

聖祖仁皇帝所

賜

御書德業仁義額。後縣嘉慶九年

皇上所

賜

御書立誠居業額。

堂之南。廳事三楹。左右春坊官居之。

北。廳事三楹。司經局官居之。

堂之前。左右兩廊。屋各九楹。爲隸舍。

堂之後。爲穿堂。又後。爲退堂。穿堂楹。

三退堂楹五。其北二楹。藏皮書版。

穿堂之南。有廳事三楹。爲府中官僚視事之所。

退堂之後。爲

先師祠。凡三楹。其旁爲齋房。凡四楹。俱西向。祠內有碑。刻康熙十六年

聖祖仁皇帝所

賜

御書存誠二字。北齋房東壁。有石刻一枝軒
三字。係前明萬厯間物。

祠北有屋三楹。爲公座所。榜曰端範
堂。

祠前有古松四株。

署內春坊題名。主簿廳題名碑各一。

教習館

往時教習庶吉士。未有專館。就院中閒曠屋宇。及大堂廊廡居之。以爲肄業之所。雍正十一年。

世宗憲皇帝

特賜官房一區。於正陽門內迤東當翰林院之西南。相去不一里。面城南向。館舍

共一百六十楹。至乾隆三十六年。教習庶吉士兵部侍郎鐘音。禮部尙書王際華。以年久漸就損壞。疏請修葺。並請以館後近市房屋。改爲市廛。取息以供每歲苦補之用。得

旨允行。自此蓬島芸窗。煥乎鼎新矣。

恩賜教習庶常館。門東房六楹。西七楹。北向。

二門內左右爲廂。各三楹。

堂三楹。中縣乾隆三十三年

高宗純皇帝所

賜

御書芸館培英額。東壁礮石。刻乾隆間疏請

修館。欽奉

諭旨。及奏謝

硃批。西壁。縣酌定幫俸章程木榜一堂左右
夾室各一楹。

自堂後垂花門入。爲後堂五楹。南向。
左右爲廂各三楹。東楹爲學掌廳。其
西楹。吏胥居之。

謹按乾隆五十九年。重修庶常館。庶
吉士肄業。暫移於院署五雲多處。

後堂之內。復有樓。凡五楹。以貯

賜書。樓下中室。祠

先師爲庶吉士朔望釋菜之所。樓東室
二楹。樓後五楹。俱南向。後有門一楹。
北向。樓前左右廂樓各三楹。

堂東西兩夾道。前後爲屋共八所。每
所正房三楹。廂房二楹。

自中後堂爲教習庶吉士之大臣講課之所。餘東西從房皆庶吉士居之。

直廬

附

景運門內直廬一楹。順治十七年置。翰林官分班直宿。以備不時

召見顧問。

午門外朝房二楹。西向。爲翰林詹事官

常朝憩息之所。

起居注館在

太和門外西廊。凡十三楹。康熙十年設。

五十七年裁。雍正元年復設。

文淵閣直廬十楹在

傳心殿後。北向。舊隸

上駟院。乾隆四十一年建。

文淵閣藏四庫書。以閣職諸臣。不可無
治事所。因改給焉。

圓明園朝房。翰林院三楹。詹事府二楹。
在兵部朝房前。

圓明園直房三楹。在

出入賢良門外西向。嘉慶六年置。詞臣
輪對日。與吏部同直。

圓明園

南書房翰林直廬十楹。在如意門外。南

向。

直園

附

園爲康熙朝大學士索額圖

賜園時

鑾輅賁臨。

宸翰親灑。士大夫相與艷稱之。雍正二年八

月。

世宗憲皇帝以

賜大學士張廷玉。朱軾。尚書蔡珽。

內廷翰林吳士玉。蔡世遠。勵宗萬。于振。

戴瀚。楊炳九人。此兩書房諸臣得居

是園之始也。厥後承

恩罔替。園初未命名。大學士張廷玉以向日

曾蒙

聖祖仁皇帝

恩賜

御書澄懷二大字。敬以名之。因相傳爲澄懷
園。又以爲

內廷翰林下直之所。亦呼翰林花園。園

在

圓明園之東。半里許。當時奇石如林。清

溪若帶。蘭橈桂楫。宛轉皆通。而曲榭

長廊。涼臺煥館。位置結構。極天然之

趣。奇花嘉木。皆種植於數十年前。輪

囷扶疎。繞山環水。負郭諸名園所罕

覩。

優賜詞臣。誠曠典也。舊有

聖祖仁皇帝

賜索額圖

御書制節謹度額。後不戒於火。室廬燬燼。蒙

高宗純皇帝發少府金。重加修葺。煥然一新。

仍以

內廷翰林居之。而水檻山茨。已非夙昔。

惟近光樓歸然獨存。上懸

聖祖仁皇帝

御書青翠霄漢額。嘉慶壬戌之春。戶部侍郎

英和入直

南書房。恐樓之漸就頽圯也。鳩工繕完。

作文以記其事。於是挹西山之爽氣。延丹泚之清暉。俯唱遙吟。怡情攬勝。

下則直廬對宇。掩映於荷汀松岫間。
林方深而徑闊。水欲斷而橋通。瓜疇
芋區。花香鳥語。周垣繚繞。退食優游。
洵蓬壺之仙境。近日月之

恩光。塵凡游想。可望而不可卽也。樓之
東。初爲麗景軒。重葺後。大學士蔡新
以入直

尙書房居焉。又東有屋三楹。舊植紫藤二本。嘉慶辛酉。戶部尙書朱珪以入直。

南書房兼

尙書房寓此。則藤偃屋廢。迺構藤架。羅以花木。門以外。清流繞之。徧蒔芙蕖。自東北而迤西南。達於一園。環發如

皇明
鏡。作復古藤書屋記。卽以顏其屋云。

皇朝詞林典故卷四十八

